

VEDTEKTER FOR UNGDOMSRÅDET I OSTERØY KOMMUNE

§ 1 Føremål/oppgåver

Ungdomsrådet i Osterøy er eit demokratisk vald organ oppretta for å ivareta interessene til born og unge i kommunen.

Ungdomsrådet skal

- haldast orientert om saker som er under handsaming i kommunen gjennom å få tilsend saksdokumenta til politiske utval.
- vera høyrings- og rådsorgan for kommunen i saker som gjeld born og unge.
- vera pådrivar for det frivillige og offentlege barne- og ungdomsarbeidet i kommunen.
- utarbeida eigen arbeidsplan for kvart år. Arbeidsplanen skal sendast til kommunen og skulane til orientering.

§ 2 Økonomi/organisering

- Ungdomsrådet får eigen konto i kommunerekneskapen. Disponering av midlar skal gjerast i høve til arbeidsplanen.
- Ungdomsrådet skal ha ein koordinator som er tilsett i kommunen. Koordinatoren har mynde til å disponera midlane til ungdomsrådet.
- Ungdomsrådet får nytta kommunalt utstyr til kopiering og utsending av dokument.
- Ungdomsrådet har rett til å ha møte i skuletida.

§ 3 Funksjonstid og samansetjing

a) Valperiode

- Representantane vert vald for to år med funksjonstid frå 1. oktober.
- I oppstartsåret vert representantane frå 10. trinn og 3. klasse på vidaregåande vald for eitt år. Oppstartsåret vert ikkje medrekna i funksjonstida til nokon av representantane.
- Dersom eit trinn mister både hovud- og vararepresentant, vert det suppleringsval for resten av perioden. Funksjonstida er lik som for representanten som vert erstatta.

b) Medlemstal

- Ungdomsrådet skal ha 11 medlemmer: 3 frå Danielsen ungdomsskule, 5 frå Osterøy ungdomsskule og 3 frå Osterøy vidaregåande skule.
- Kvar representant skal ha ein vara av motsett kjønn. Kvar skule skal ha ein hovudrepresentant av kvart kjønn, bortsett frå OUS som skal ha minst to hovudrepresentantar av kvart kjønn. Kvart årstrinn skal ha ein representant.

c) Val

- Kvar haust gjennomfører elevråda ved skulane nominasjon og val for å erstatta dei representantane som er ferdige med funksjonstida si. Alle elevane ved dei respektive skulane har stemmerett.
- Ungdomsrådet vel sjølv leiar og nestleiar. Leiar og nestleiar vert vald for kvart år. Dersom ein representant frå ungdomsskulane har leiarvervet, skal vidaregåande ha nestleiarvervet og omvendt.
- Koordinatoren for ungdomsrådet har sekretærfunksjonen, elles skal medlemmane sjølv utføra arbeidet som følgjer med verva.

d) Møte

- Det vert ikkje oppnemnd ein fast politisk representant eller fast representant frå administrasjonen, men ungdomsrådet kan sjølv invitera politikarar eller andre til rådsmøta for å få orientering eller for å ta opp eit tema.
- Ungdomsrådet skal ha minimum seks møter i året. Det skal førast referat frå møta med oversyn over deltakarar, saker og vedtak.
- Vedtak i ungdomsrådet vert gjort med vanleg fleirtal, så lenge minst halvparten er til stades. Ved eventuell stemmelikskap har leiar dobbelstemme.
- Årsmelding skal leggjast fram innan utgangen av oktober.

§ 4 Vedtektsendringar

- Vedtektsendringar må godkjennast av KOIK etter innstilling frå ungdomsrådet.

Hatland, 28. november, 2014